



FORLAGIÐ

Alltaf opið á www.forlagid.is

FÖSTUDAGUR 22. október 2021

KYNNINGARBLAÐ



Jack og Ray mættu á leik LA Lakers á miðvikudagskvöldið.

FRÉTTABLAÐIÐ/GETTY

Mætti aftur á leik

sandragudrun@frettabladid.is

Stórleikarinn Jack Nicholson sást opinberlega í fyrsta sinn í næstum tvö ár á Lakers-leik á miðvikudagskvöldið. Hann var á leiknum með syni sínum Ray sem einnig er leikari. Jack er orðinn 84 ára gamall og hefur lengi stutt Lakers og mætt á leiki hjá liðinu en hefur látið það vera eftir að heimsfaraldurinn braust út.

Jack hefur ekki sést á hvíta tjaldinu síðan hann lék í myndinni *How Do You Know* sem kom út árið 2010. Hann átti að leika aðalhlutverkið í endurgerð á þýsku Óskarsverðlaunavikmyndinni *Toni Erdmann* en dró sig út úr því árið 2018. Síðan þá hefur Jack Nicholson haldið sig að mestu frá sviðsljósinu. Hann segist ekki lengur finna hjá sér þörf til að vera fyrir allra augum.

Börnin líka leikið

Börn hans hafa sum fetað í fótspor hans og leikið í kvikmyndum. Ray sem mætti með föður sínum á Lakers-leikinni í vikunni lék til dæmis í myndinni *Promising Young Woman*, sem vann bæði BAFTA- og Óskarsverðlaun fyrir besta frumsamda handritið. Dóttir hans Lorraine hefur einni leikið í nokkrum kvikmyndum en hefur núna ákveðið að einbeita sér að leikstjórn frekar. Dóttursonur hans Duke lét einnig ljós sitt skína á hvíta tjaldinu í kvikmyndinni *Us*. ■



Aðstandendur Torgs Listamessu í Reykjavík við Hlíðuloftið á Korpúlsstöðum, frá vinstri: Martynas Petreikis, Annabelle von Girssewald, Ásgerður Júlíusdóttir, Anna Eyjólfsdóttir, Guðrún Gerður Guðrúnardóttir (Gaga Design), Ingibjörg Gunnlaugsdóttir, Hlynur Helgason og Friðrik Weissappel. FRÉTTABLAÐIÐ/ERNIR

Myndlist auðgar andann og eykur virði sitt með árunum

Gósenland mun opnast listunnendum á Korpúlsstöðum í kvöld þegar SÍM opnar Torg Listamessu Reykjavíkur. Þar verður hægt að skoða og kaupa listaverk af fleiri en 70 myndlistarmönnum, eiga við þá samtal og fá sér molasopa og kruðerí í mögnuðu húsi. **2**

„Myndlist er góð fjárfesting sem eykur virði sitt með árunum og auðgar andann,“ segir Ásgerður Júlíusdóttir, verkefnis- og kynningarstjóri hjá Sambandi íslenskra myndlistarmanna (SÍM).

Ásgerður, ásamt öðru starfsfólki SÍM, er stödd á gamla hlöðuloftinu á Korpúlfsstöðum, í startholunum til að opna Torg Listamessu Reykjavíkur með pompi og prakt klukkan 18 í kvöld. Listamessan er stærsti sýningar- og söluvettvangur íslenskrar myndlistar til þessa, sannkallað ævintýra- og gósenland fyrir listamenn og listunnendur.

„Listamessur sem þessar hafa lengi tíðkast um allan heim og löngu sannað gildi sitt. Við hjá SÍM fundum fyrir eftirspurn og þörf fyrir listamessu hér heima, en hún er einstætt framtak og sú fyrsta sinnar tegundar hér á landi,“ upplýsir Ásgerður.

Torg Listamessa, sem stofnuð var af Önnu Eyjólfsdóttur myndlistarmanni og formanni SÍM, var fyrst haldin í tengslum við Mánuð myndlistar árið 2018 og fer nú fram í þriðja sinn.

„Tilgangurinn með messunni er fjölþættur; að auka sýnileika myndlistar og gera fólki auðveldara fyrir að kynna sér samtimalist og eignast listaverk eftir íslenska eða erlenda listamenn sem starfa hér á landi. Ætlunin er að veita áhugafólki um myndlist tækifæri til að fjárfesta milliliðalaust í myndlist og eiga um leið persónulegt samtal við listamennina sjálfa,“ greinir Ásgerður frá.

Sýningarstjóri Torgs Listamessu er Annabelle von Girsewald.

„Það er mikill fengur fyrir Torgið að fá Annabelle sem sýningarstjóra því hún hefur unnið með íslenskum myndlistarmönnum síðan 2010 og hefur mikið innsæi inn í íslenskan myndlistarheim,“ segir Ásgerður.

Heimili myndlistarinnar

Yfir 70 myndlistarmenn taka þátt í listamessunni á Korpúlfsstöðum.

„Það verður eflaust þrautin þyngri að gera upp á milli heillandi listaverka því það er vel skipað í hvert hólf með flottum listamönnum. Sýningarsalurinn er í skemmtilega hráu og sögulegu rými sem í dag er stærsti sýningarsalur landsins. Hlöðuloftið geymdi áður hey fyrir kýr í fjósi Korpúlfsstaða sem var stærsta býli landsins og byggt af mikilli hugsjón. Korpúlfsstaðir hafa verið heimili myndlistarinnar síðastliðin 50 ár og undanfarin 25 ár hefur SÍM rekið listamiðstöð í þessu glæsilega húsi. Á næstu misserum eru margar sýningar og viðburðir á döfinni á Hlöðuloftinu og er nánast fullbókað til ársins 2024, og komnar nokkrar bókanir árið 2025. Það eru eflaust margir sem hafa ekki komið hingað inn, svo ég hvet alla til að gera sér glaðan dag og koma á Korpúlfsstaði því það er kynngimagnaður staður þar sem hjarta myndlistarinnar slær,“ segir Ásgerður.

Listaverk og listamenn eru í aðalhlutverki í messunni, en gestir og gangandi geta rætt við listamennina, fræðst um verk þeirra og störf og spjallað um sköpunarkraftinn, lífið og listina.

„Messan er fyrst og fremst hugsuð sem skemmtilegur viðburður sem allir geta sótt og vonandi koma sem flestir til að fá sér kaffi og með því og skoða fjölbreytt listaverk. Listamessan er ekki síður hátíð fyrir listamennina og þá sem gera sér ferð á Korpúlfsstaði því það gefur listafólkinu mikið að hitta listunnendur og aðra listamenn. Árið um kring starfar meirihluti myndlistarmanna einn á vinnustofum sínum



Listakonan Izabella Katarzyna Hadrian sýnir verk sín.



Martynas Petreikis, verkefnastjóri SÍM Residency.



Hlynur Helgason sýnir stór og smá verk á listamessunni.



Viktor Pétur Hannesson með stór verk sín í bakgrunni.



Listakonan Bryndís Brynjarsdóttir hengir upp eitt verka sinna með sýningarstjóranum Önnubelle von Girsewald.



Jóna Bergdal er ein af fleiri en 70 listamönnum sem sýna verk sín á Torgi Listamessu Reykjavíkur. **FRÉTTABLAÐIÐ/ERNIR**

og því er kærkomið fyrir þá að hitta kollegana, kynnast nýju fólki og bera saman bækur.“

List gerir heimilið persónulegt

Listamessan á Korpúlfsstöðum opnar nýja sýn á myndlist. Þar á almenningur stefnumót við listamenn þjóðarinnar, getur átt beint samtal við þá og eignast einstök listaverk.

„Í Covid-ástandinu leitaði fólk í meira mæli eftir því að gera heimili sín hlýlegri og ná fram sínum eigin sérstaka stíl. Það vakti okkur til vitundar um að hafa heimilin ekki bara svört og hvít heldur líflæg, þægileg og heimilisleg. Að eignast listaverk setur persónulegan svip á heimilið og kannski sérðu eitthvað á Hlöðuloftinu sem talar beint til þín og endurspeglar þinn stíl. Þá er ekki amalegt að hitta fyrir listamanninn sem skapaði listaverkið og á jafnvel sitthvað sameiginlegt með þér, svo sem fagurt auga, stíl og fegurðarskyn,“ segir Ásgerður.

Söluverð listaverka rennur að fullu til listafólksins því messan þiggur enga þóknun fyrir sína þjónustu og engir milliliðir taka umboðslaun.

„Á Hlöðuloftinu verður hægt að gera góð kaup en listaverkin þurfa þó að vera áfram til sýnis á Korpúlfsstöðum á meðan á messunni stendur. Boðið er upp á raðgreiðslur og fleiri greiðslumöguleika og því ættu allir að geta fengið eitthvað fallegt fyrir sinn snúð,“ greinir Ásgerður frá.

Ísland á flesta listamenn í heimi

Íslensk myndlist vekur athygli og aðdáun út fyrir landsteinana.

„Dýnamíkin í myndlistinni hér á landi dregur útlendinga að. SÍM rekur vinnustofur, SÍM Residency, fyrir erlenda myndlistarmenn og við önnum ekki eftirspurn. Það sem af er þessu ári hafa 114 listamenn að komið að utan í residensíuna eða vinnustofurnar hjá okkur, þrátt fyrir ýmsar takmarkanir. Þeir koma til að vinna að myndlist sinni og verða undantekningarlaust fyrir miklum áhrifum af íslenskri náttúru, sem og handbragði og efnistöfum íslenskra myndlistarmanna, og það bregst ekki að íslenska náttúran skín í gegn í listaverkum þeirra,“ upplýsir Ásgerður.

Hún segir smæð þjóðfélagsins einkenna íslenska myndlist.

„Styrkur okkar felst einmitt í smæðinni og menningarleg sjálfsmynd þjóðarinnar liggur í listinni. Þrátt fyrir þessa smæð eiga Íslendingar flesta myndlistarmenn í heimi, miðað við höfðatölu. Íslendingar eru einstaklega skapandi og listrænir, hvort sem það er í myndlist, tónlist, leiklist eða bókmenntum, og hér er ólgandi suðupottur þegar kemur að listsköpun. Helsta einkenni íslenskrar myndlistar er náttúran en það má segja að hún hafi verið rauður þráður í gegnum íslenska listasögu og sé enn afar fyrirferðarmikil í myndlistinni í dag, og þó það séu alls ekki allir sem vinna beint með hana þá skín hún oft í gegn á ólíklegasta hátt.“ ■

Torg Listamessa Reykjavíkur verður haldin dagana 22. til 31. október á Hlöðuloftinu á Korpúlfsstöðum. Aðgangur er ókeypis og kaffi á staðnum.

Dagskrá Torgs Listamessu:

22. október – Opnun Torgs frá 18-20.
Helgin 23.-24. október – Opnið 12 til 18.
28. október – Langur fimmtudagur – Opnið 18-22.
29. október – Opnið 18-20.
Helgin 30.-31. október – Opnið 12-18.



FRÉTTAVAKTIN

Fréttumfjöllun fyrir alla
kl. 18.30 á virkum dögum

Fjölbreytt fréttumfjöllun í opinni dagskrá fyrir fólkið í landinu. Úrvalslíð fjölmiðlafólks fer yfir fréttayfirlit dagsins ásamt því að fá til sín góða gesti til að ræða +helstu mál líðandi stundar. Þátturinn er sýndur á Hringbraut og frettabladid.is



HRINGBRAUT

Bílar & Farartæki

Bílar óskast

VILTU LOSNA VIÐ GAMLA BÍLINN ?
Kaupi bíla 25-250þús
Hringdu S. 615 1810 eða sendu sms og við höfum samband

Þjónusta

Hreingerningar

Hreingerningabjónusta þvegillinn
5 44 44 46
Hreingerningar - Bónun - Bónleysing Flutningsþrif - Þrif eftir iðnaðarmenn þvegillinn. is - Stofnað 1969 Traustir og vanir menn.

Búslóðaflutningar

Ert þú að flytja? Búslóðafl., fyrirtækjafl., pianófl. o.fl. Extra stór bill. Búslóðalyfta. Flutningabj. Mikael S. 894 4560 www.flytja.is flytja@flytja.is

FRÉTTIR, FÓLK & MENNING
á Hringbraut

Húsaviðhald

FLÍSALAGNIR - MÚRVERK - FLOTUN - SANDSPARSL - MÁLUN - TRÉVERK
Ásamt öllu almennu viðhaldi fasteigna.
Áratuga reynsla og þekking skilar fagmennsku og gæðum.
Tímavinna eða tilboð.
Strúctor byggingaþjónusta ehf.
S. 893 6994

+++ EÐALVERK +++
• Hellulagnir
• Grjóthleðsla
• Húsaviðgerðir
• Þak
• Gluggaskipti
• Múr
• Málningavinna
• Steinsögun

Fáðu tilboð þér að kostnaðarlausu í verkið í síma 786-3211 eða sendu okkur póst á verk@eðalverk.is

Nudd

NUDD NUDD NUDD
Slökunarnudd í miðbæ Reykjavíkur. Lausir tímar. Sími 694 7881, Janna.

Rafvirkjun

RAFLAGNIR, DYRASÍMAR. S. 663 0746.
Töfluskripti, myndsímar. Hagstæð verð. Straumblik ehf. Löggitur Rafverktaki. straumblik@gmail.com

Keypt & Selt

Til sölu

Gítarinn ehf.
Stórhöfði 27
Sími 552 2125
www.gitarinn.is
Kassagítarar á tilboði
Gítarar og hljómborð í miklu úrvali
Verð við allra hæfi

Húsnæði

Geymsluhúsnæði

GEYMSLUR.IS SÍMI 555-3464
Suma hluti er betra að geyma. Geymslur fyrir dánarbúið, allt að 20% afsláttur. www.geymslur.is
WWW.GEYMSLAEITT.IS
Sérgeymslur á mjög góðum verðum. Frá 2-17 m2. S: 564-6500

Heilsa

Heilsuvörur

gott cbd
CBD 6.6% CBD 2.4% CBD 12%

GEFÐU VATN
gjofsemgefur.is
907 2003
Hjálparstarf kirkjunnar

BÓLSTRUN – SAUMASKAPUR

Uppgerðir Rokkókóstólar með áklæði að eigin vali á góðu verði
FYRIR **EFTIR**
Öll almenn bólstrun - úrval vandaðra áklæða og leður. Tökum allskonar saumaskap ,t.d. dýnur í hjólhýsi, húsbíla ofl.
Sérhæfum okkur í bílsætaviðgerðum, mótorkjólum, snósleðasætum, líumum og gerum við tréverk á húsgögnum.
Formbólstrun
Hamraborg 5 Kóp, Hamrabrekkumegin | S. 544 5750 | www.hsbolstrun.is

Skipulagsstofnun
Mat á umhverfisáhrifum Ákvörðun um matsskyldu
Skipulagsstofnun hefur tekið ákvörðun um að framkvæmdin **Eldi á laxaseiðum að Hallkelshólum Grímsnes- og Grafningshreppi** skuli ekki háð mati á umhverfisáhrifum samkvæmt lögum nr. 106 /2000. Ákvörðunin liggur frammi hjá Skipulagsstofnun, Borgartúni 7b, Reykjavík og á vef stofnunarinnar www.skipulag.is. Ákvörðunina má kæra til úrskurðarnefndar umhverfis- og auðlindamála til **23. nóvember 2021.**

Deiliskipulagsbreyting
Miðbær vegna Suðurgötu 18
Breyting á deiliskipulagi miðbæjar vegna Suðurgötu 18 og umferðar um reitinn er auglýst samkvæmt l. mgr. 41. gr. skipulagslaga nr. 123/2010.
Á fundi skipulags- og byggingarráðs Hafnarfjarðar þann 21. september sl. var framangreint erindi samþykkt með eftirfarandi bókun: Skipulags- og byggingarráð samþykkir að fyrirbyggjandi tillaga að deiliskipulagi reitsins verði auglýst í samræmi við skipulagslög. Erindinu var vísað til bæjarstjórnar til staðfestingar. Bæjarstjórn staðfesti samþykkt skipulags- og byggingarráðs á fundi sínum þann 29.09 sl.
Tillagan er til sýnis á umhverfis- og skipulagssviði að Norðurhelli 2 og í þjónustuveri Hafnarfjarðarbæjar Strandgötu 6, frá **22.10 – 3.12.2021**. Einnig er hægt að skoða tillögurnar á **hfj.is/skipulag**
Þeim sem telja sig hagsmuna eiga að gæta er gefinn kostur á að gera athugasemdir eigi síðar en **3.12.2021**. Skál þeim skilað á netfangið: skipulag@hafnarfjordur.is eða skriflega á:
Hafnarfjörður bt. umhverfis- og skipulagssvið Strandgötu 6 220 Hafnarfjörður
hafnarfjordur.is

Reykjavíkurborg Umhverfis- og skipulagssvið
Auglýsing um tillögu að breyttu deiliskipulagi í Reykjavík
Í samræmi við 1. mgr. 43. gr. skipulagslaga nr. 123/2010, er hér með auglýst tillaga að breytingu á deiliskipulagi í Reykjavík.
Lindargata 42, 44, 46 og Vatnsstígur 10-12
Á fundi skipulags- og samgönguráðs þann 29. september 2021 og borgarráðs Reykjavíkur þann 7. október 2021 var samþykkt að auglýsa tillögu að breytingu á deiliskipulagi reits 1.152.5 vegna lóðanna nr. 42, 44 og 46 við Lindargötu og lóðir nr. 10 og 12 við Vatnsstíg. Í breytingunni felst að heimilt verði að fjarlægja hús á lóð nr. 10 við Vatnsstíg og 44 við Lindargötu, breyta lóðarmörkum lóðanna nr. 12 og 12A við Vatnsstíg, sameina lóðina nr. 44 við Lindargötu við lóðirnar nr. 40, 42 og 46 við Lindargötu, byggja nýtt þriggja hæða hús á lóð nr. 44 við Lindargötu, reisa tveggja hæða hús ásamt risi á lóðunum nr. 12 og 12A við Vatnsstíg, fækka bílastæðum á lóð og gera sameiginlegt útisvæði fyrir stúdenta vestan við jarðhæð lóðar nr. 44 við Lindargötu og flytja núverandi byggingu frá lóð nr. 12 við Vatnsstíg á nýja lóð nr. 10 við Vatnsstíg. Nánar um tillöguna vísast til kynningargagna.
Tillöguna má einnig nálgast á skjá og tölvu í þjónustuveri Reykjavíkurborgar að **Borgartúni 12-14**, 1. hæð, virka daga kl. 8:30 – 16:00 frá **22. október 2021 til og með 3. desember 2021**. Einnig má sjá tillöguna á vefnum, **www.reykjavik.is**, skipulag í kynningu. Eru þeir sem telja sig eiga hagsmuna að gæta hvattir til að kynna sér tillöguna. **Ábendingum og athugasemdum við tillöguna skal skila skriflega til skipulagsfulltrúa eða á netfangið skipulag@reykjavik.is, eigi síðar en 3. desember 2021. Vinsamlegast notið uppgefið netfang fyrir innsendar athugasemdir með tölvupósti.**
Reykjavík 22. október 2021
Skipulagsfulltrúi Reykjavíkur
Borgartúni 12-14, 105 Reykjavík, sími: 411 1111, www.reykjavik.is

vinnvinn
Vinnvinn | Kringlan 7 | 103 Reykjavík
Sími 552 1212 | vinnvinn@vinnvinn.is | www.vinnvinn.is
RÁÐNINGAR | RÁÐGJÖF

gott cbd
CBD 6.6% CBD 2.4% CBD 12%